

Universitätsbibliothek Paderborn

**Divus Sebastianus Eberspergæ Boiorum Propitius, Seu
Cultus Eiusdem Gloriosi Martyris à Prima Loci Fundatione
Ad Nostra Usque Tempora Propagatus, Et Nunc Publicæ
Luci Datus**

Widl, Adam

Monachij

§. V. Beneficia à D. Sebastiano collata ab Anno M. DCLX. usque ad Annum
M. DCLXXX. & seqq.

urn:nbn:de:hbz:466:1-37233

392 Beneficia à D. Sebāst. M. collata

Anno M. DC. LVIII. & M. DC. LIX. similia ferè notata exhibet Beneficiorum liber. Ceteris præteritis, unum saltem adducere placet.

Mania.

R II

1^a

Anna Vonkolin mortuâ quinqueanni filiolâ unicè amatâ, plurimum cā morte, qui est ferè matrum genius, affligebatur, ut periculum esset, ne mente moveretur. Sed edito pro ipsa ad D. Sebastianum voto animum recepit, & consum illum multò jam æquiore sensu tulit.

§. V.

BENEFICIA A D. SEBASTIANO COLLATA AB ANNO CHRISTI M. DC. LX. USQUE AD ANNUM M. DC. LXXXVII.

PAUCA ē pluribus feligo. Anno M. DC. LX. mulier fuit bona mentis, quæ se bidui itinere hoc ferebat, eam præcisè ob causam, ut D. Sebastiani Sagittam sibi com-

ab An. M. DC. LX. ad An. LXXXVII. 393

pararet, nam eam, quam habebat, amiserat, quâ (uti ipsa asseverabat, etiam rem juramento testari parata) potui imixtâ tot annis pleuritidem aliósque morbos tam in se, quam alijs feliciter sanare consuēset.

Georgius Anzinger Tegernba- *Cephalalgia*
censis horrendis capitis doloribus,
qui altâ stabant radice, & à tem-
pore incrementum sumpserant, ad
insaniam usque adigebatur. voto
ad D. Sebastianum factō, tota ca-
pitis tempestas serenata est, velut si
ventus nubes dispellit.

Anno M. DC. LXI. Joannes
Schmidmair Ardingensis, setigero
pecore suo jam medium partem
imminuto, contagionis illius Me-
dicum D. Sebastianum confiden-
ter imploravit, nec ultra progresſa
est lues.

Joannes Georgius Staudinger
cūm Scribam ageret, & jussu Ma-
gistratus periculosis illis tempori-
bus

*Lues peco-
rum.*

Pestis,

394 Beneficia à D. Sebāst. M. collata
bus codicillos, & inventaria, ut vo-
cant, etiam in domibus infectis,
prostantibus inhumatis cadaveri-
bus peste extinctis, conficeret, ni-
hil tamen morbi unquam attraxit,
aut contubernio imbabit, quia voto
ad D. Sebastianum edito periculi
prudens se præmunierat.

*Morbus Le-
thalis.*

An. M. DC LXII, & M. DC LXIII
perrexit sanctus Patronus noster
solegne suum tenere, & Medicum
se ostendere. Bini ab omnibus pro
desperatis habitu & æternitati jam
accincti, implorato D. Sebastiano,
cum admiratione omnium conva-
luerunt.

Mania.

Studiosus Academicus studiorum
curriculum emensus sive conten-
tione literarum, sive dolore capi-
tis, sive alia de causa vitium in ce-
rebro patiebatur. Ubi verò pa-
rens ipsius Civis Ardingensis eum
D. Sebastiano devovit, sanum il-
lum, suique compotem recepit.

end

Anno

Anno M.DG.LXV. Anna Kögl
lin Eberspergā venit voti rea, &
hoc, quod subjungo, testata est.
Frater ipsius Georgius Kögl à ster-
nace equo illis calcib⁹ miserrimè
vapulaverat, adeò, ut peritis vide-
retur, nullis deinceps perficiundis
laboribus futurus idoneus. Ubi
verò soror ipsum D. Sebastianò ob-
strinxit, paulò pòst integrè, etiam
ex ruptura sibi restitutus est.

Lapsus &
periculue
ab equo.

Æger quidam jam æternitatem
prospiciebat, utpote in agone con-
stitutus, ope tamen D. Sebastiani
ex ipsa, ut ita dicam, morte iter
relègit, séque Divo gratum stitit.

Morbis Le-
thalis.

Anno M.DC.LXVI. D. Geor-
gius Brunner Præfectus in Starz-
hausen & Birnbach in gravi dysen-
teria D. Sebastianò tabulam vovit,
& malo liberatus est.

Dysenteria

Joannes Peter Dorffensis Parœ-
cix ob insanissimam amentiam ipsis
decem hebdomadibus catenis il-
ligatus servabatur, at verò voto pro
ipso

Mania.

396 *Beneficia à D. Sebastian. collata*
ipso ad D. Sebastianum facto su-
bitò obortâ luce cum admiratione
omnium ad se rediit.

*Ægram
pecus.*

Alia ad invocationem Sancti
ægram vaccam lanam recepit, &
in gratiarum actionem ex restitura
matre vitulum eidem ad aras ob-
tulit.

Desperatio.

Anno M. DC. LXVII. quidam
jam apud se decreverat, violentas
sibi manus inferre, & certam sibi
necem conciscere. Verùm, cùm
se ante feralē opus D. Sebastiano
commendāisset, aliàm subitò men-
tem induit, intúsque clarè se mo-
neri sensit, ut Eberspergæ animum
expiaret; sic enim desitaram tem-
pestatem patuit interno monitori,
& omnes priores turbæ, quibus
agebatur in interitum, conque-
verunt.

*Fluxus san-
guinis.*

Elisabetha Riederin cum muliere
illa Evangelica fluxu sanguinis la-
borabat; verum illum fontem si-
cavit invocatus Sebastianus.

Anno

Anno M. DC. LXVIII. D. Sebastianus in tempore adfuit Nobilissimo Parthenoni Edelstettensi in Suevia, cuius Reverendissima Antistita votum ediderat ob pecus contagiosâ lue infestatum. Abatia est feliciter pestilitas. in cuius rei fidem eadem Reverendissima pretiosam Albam Sacerdotalem, ut vocant, ex subtilissima tela magnis & conspicuis segmentis byssinis fimbriatam dono submisit.

Lues pecuniose.

Joannes Braunber Miesbergensis à S. Sebastiano liberos suos venenatis pustulis laborantes salvos omnés ex illis maculis recepit.

Venenatae pustule.

Anno M. DC. LXIX. Communitas Hilginensis D. Sebastiano votit legendum Annuum Sacrum Eberspergæ, pro avertenda ab agro suo grandine, quâ sata ipsorum crebrò antè petebantur. Ab eo tempore pepercit ipsis lapideum Calum.

Grandio.

Jo-

Ulcus.

Joanni Müller Electorali tabelario filiolus erat, Josephus parvulus, cuius collum prægrande ulcus occupaverat, in quo curando frusta Medici & Chirurgi operam suam consumperaunt. Voto ad Divum à parentibus facto convalescit Josephus, & Eberspergam ad spitatem suum adductus est.

Clanda.

Anno M. DC. LXX. Mulier quædam cum gravissimis pedum doloribus conflictata, ipsoq; gressu capta, cum aliquando præter momen placidius indormisset, visa est sibi in templo S. Sebastiani recta consistere, ibique inambulare. Ea imagine se monitam credidit, ut votum ederet: edidit. Et ecce! vaticinium de somno factum est. Constitit pedibus mulier: ambulavit; Eberspergam adjit: gratias egit.

Lapsus ex curru.

In ipsa Pentecoste cum quatuor personæ carpento vestre ad S. Sebastianum peregrinatum ducentur,

tur,

ab An. M. DC. LX. ad An LXXXVII. 399

tur, octennis puella properante aurigâ ex curru decidit, posterioribus rotis toto corpore mox subiecta. Et re ipsâ incedebat per ipsum currus. fortè autem, quod primum erat, incunbente pondere miserè quoque obtrita fuisset, nisi & obsequio peregrinationis, & invocatione sub ipsum casum factâ Sebastianus innocentulam servâset.

An. M. DC. LXXII. M. DC. LXXIII
& M. DC. LXXIV. eadem ferè, quæ supra, recurrunt. Unum & alterum memoriâ dignius esse videtur. Andreas Spizhuet, Tegernaviensis in villa Ebersbergensi verna & auriga ponè currum bene onustum fallente vestigio concidit, & à rotis per medium corpus toto pondere transeuntibus miserè habitus obtritusque fuit. At ubi votivam tabulam rei totius indicem ad D. Sebastianum animo concepit, patrocinio illius fretus propediem sibi

*Periculum
Obtritionis.*

Cc resti-

400 Beneficia à D. Sebest. M. collata
restitutus est, nullo quassato mem-
bro. penderet etiamnum tabella ad
Divi aram, magni beneficij testis,
& penicillo suo loquitur acceptam
opem.

*Periculum
Mesis.*

R II
J a

Anno M DC. LXXV. rursus Pa-
tronum suum beneficum sensit
Ebersperga ob Cæli inclem tam
& continuas pluvias, quibus in lon-
gum durantibus periclitabatur se-
ges. Exposito autem propterea in
ara ejus sacro Crânio & institutis
pietatis officiis, continuò melior
facies & color Eberspergensi Cœlo
rediuit, atque etiam aëris hilaritas
perduravit. Idem de agro suo te-
status est Joannes Brexel, qui in
honorem Divi Sacrum legi cura-
vit, quod̄ deploratos propè terræ
fructus opinione suâ abundantius
in horrea intulerit.

*Periculum
ab acicula.*

Anno M. DC. LXXVI. Anna
Mairin Grienseibelstorffensis per
incuriam aciculam deglutijt. Hæc
ille hamus per integrum mensem
per-

*m.
ad
tis,
am

Pa-
nsi-
am
on-
se-
ain
utis
ior
elo
tas
te-
in
ra-
rræ
ius
per
esic
em
er-*
ab An. M. DC. LX. ad An. LXXXVII. 401

pertinaciter in exulcerato gutture,
maximo respirantis incommodo,
nec minore dolore. Ubi primū
tabulam D. Sebastiano vovit, exiit
nullo alio instrumento adhibito,
latens aculeus. Mulier beneficij me-
mor pictam tabulam Eberspergam
tulit, unā & aciculā ē filo pendulam
nuper gutturi tenacissimē infixam.

Anno M. DC. LXXVII. Præno-
bilis D. Wilhelmus à Spilberg in
geminis gravibus corporis pericu-
lis promisso Sacro & votivā tabulā,
quam postea ad aram Divi suspen-
di curavit, auxilio S. Sebastiani be-
nevolē & opportunē se liberatum,
servatūmque testatus est,

*Grave peri-
culum.*

Melchior Böttinger jam tres
equorum pullos, seu hinnulos con-
tagiosā lue extinctos amiserat. Lan-
guebat eodem malo etiam quartus.
vovit tabulam D. Sebastiano vir
bonus. Stetit lues, & quartus ex
tabe refloruit.

*Lues equi-
rum.*

Cc z Virgo

*Periculum à
Lenone.*

Virgo rusticana erat pudoris sui,
& corollæ apprimè amans. Hac
ab armato equite ad flagitium non
tam postulabatur, quām urgebatur,
amore & metu, blanditiis & osten-
tatâ vi. Nihil opis erat ab homi-
nibus in loco remoto, quare con-
fūgit ad superos, & D. Sebastiano
Laurum ac Liliū suum unicè com-
mendavit Christiana Daphne. Ser-
vata mirabiliter à turpi lenone vi-
tam & castimoniam D. Sebastiano
in acceptis retulit.

Anno M. DC. LXXVIII, Ursula
Meserin Obervichingana ex tam
gravi periculo ac discriminē, ut
præ imanib[us] doloribus mors eti-
am optabilis videretur, erepta fuit,
cujus rei testem votivam tabulan
appendit.

Gaspar Hirl Mosensis Monachio
rediens currum frumento onustum
devexit, cui, fallente vestigio, toto
corpore subjectus illicò subducere
se non poterat. Binæ propterea
post-

*Gravis in-
firmitas.*

*Periculum
obtritionis.*

postiores rotæ sinistrum ipsius pedem ex occasione deprehensum miserè confregerunt. voto facto, gaudet vir bonus mitiùs se habitum, & sub felici Chirurgo ossa sine fœdiore corporis, aut pedis vitio coaluisse. id quod singulari appensâ tabulâ postmodùm testatus est.

Similem tabulam appendit miraculi testem Maria Kamerlorin, quâ se ex ipsis mortis faucibus erceptam profitetur: laborabat enim, lethali carcinomate, quod omni humanâ ope superiùs videbatur.

Carcinoma.

Casparus Schirfl ob mortem matris ex nimia tristitia in maniam incidit, ope tamen S. Sebastiani, cui se in lucido morbi intervallo, quod ei Deus submisit, impensè commendaverat, propediem restitutus, pristinum, rectumque usum rationis recepit. quod tabulâ votivâ appensâ palam fecit.

Maria.

Cc 3 Ju-

Juvenis rusticanus infelix paterni currus regendi Auriga sub onusto carpento procubuerat, jámque crus infelici casu fregerat: mortem tamen certissimam evasit, ubi Confessionem à tota vita & pictam tabellam in anathéma D. Sebastiano ad aram vovit. Alius quoque hoc ipso Anno furentes equos & salinariā quadrigā, rupto temone, jam non tenere poterat. Ibant propterea omnia præter legem sursum deorsum. In auxilium vocatus D. Sebastianus fatalem casum vel stitit, vel avertit.

Conjux quædam gemebat sub marito lurcone, qui non tantum omnia abliguriebat, verùm etiam crudelitate & sævitiâ propè non latronem se præstabat: erat enim leo evertens domesticos suos. Cùm in hominibus spes nulla esset, aut timida, quæsivit abud superos remedium misera. Et ecce! paulò pòst maritus defunctus est. Sed mox

*Equi furiosi,
& ab ijs ob-
tritionis pe-
niciulum.*

*Savus ma-
ritus.*

ab An. M. DC. LX. ad An. LXXXVII. 405

mox successit Uxori febris admōdūm torrida, quam ipsa tot casib⁹ jactata etiam D. Sebastiani implo-
ratā ope feliciter dispulit.

Anno M. DC. LXXIX. Pistor
Eberspergensis Cholicis doloribus
trium septimanarum spatio ad mor-
tem usque torquebatur. promissā
ad D. Sebastianum certā pecuniolā
respiravit, & salutaria medica-
menta, antehac imbecilla, velut
acceptā facultate, officium suum
fecere.

Persona quæpiam, post nescio
quod scelus perpetratum, despera-
tissimis animi furijs agebatur in
præceps, ipso etiam aspectabili dæ-
mone ad violentam mortem invi-
tante, & ultrò occasionem offe-
rente. Ubi verò D. Sebastianum
adjutorem compellavit, mente jam
multùm æquior animi sordes po-
suit, pacemque deinceps habuit.

Xantippe quæpiam, quæ multis
años parricidali tentatione mirum
*Gravis Ten-
tatio.*

Cc 4 quan-

Cholicea.

406 Beneficia à D. Sebast M. collata

quantum invalefcente, agitabatur;
ut proprium maritū ad plures mit-
teret & occideret, ope S. Sebastiani
à nefaria mente & proposito abdu-
ctam se professa est.

Pestis.

Michaël Bräntl Walperzkirchij
in Bavaria natus, opificio viator
Viennæ in Austria domicilium fi-
xerat hoc ipso tempore, quo va-
statrix pestis tot hominum millia
ea in Urbe absumpsit. Voto pro-
pterea D. Sebastiano se obligavit,
quod postea soror ipsius Walperz-
kirchij morata, exsolvit, ob insigne
& rarum beneficium, quod ab eo
tempore nec ipse pater familias Mi-
chaël, nec domus ejus in media
regione mortis quicquam ab illa
communissima lue perpessa sit.

Gravis In-
firmitas.

Balthasar Köck Pfaffinganus ine-
unte Vere gravi morbo correptus
ultra anni quadrantē constans de-
cubuit, ut vix per paucas horas
extra lectum quandōq; esse liceret,
omni præterea membrorum usu ut

plu-

plurimūm captivo. Varios equidem in hac sua infirmitate Gælites invocaverat; sed nullum propterea adfuit ex alto opportunum auxilium. Quantūm fas est credere, servabatur hæc D. Sebastiano gloria, cuius ope recreari afflictam valetudinem sensit, & publicè etiam prædicavit.

Quod sequitur, & Sanctum, & D. Sebastiano gloriosum est. Puella erat sæpè alias multūm contra pudicitiam tentata, átque etiam procos insidiatores passa cum laude victoriæ. Accidit, ut cum honesto viro & domi suæ noto ad celebrem quendam locum tenderet. Progressis sat longo spatio jungit se vir terius itineris comitem. Omnia signa initio honestatem loquebantur, & virtutem: re ipsâ diabolus personatus erat in omnes occasions intentus, ut bonæ femellæ pudori immineret. Viro altero non nihil, ut sit, remanente, neq; ta-

*Periculum
à demoni
proco.*

Cc 5 men

men extra conspectum progredi-
ente, cœpit hic Thraso aperte
Amaſium prodere, opulentiam su-
am jactare & extollere, annulos
promere, & bene multos aureos
nummos ostentare, quibus sibi sub
honesto titulo & colore futuram
ſponsam subarrharet. Aurea hæc
verba erant, aurea promissa, sub
quibus tamen nescio quid terrifi-
cum latere puella adverterat: pro-
dit enim ſuomet ſe calceo & pede
quantumvis vafer dæmon. Ergo
tacitè bona virgo votum ad Divam
Duntenhusianam & S. Sebaſtianum
Eberspergensem facit. Et ecce!
Scenicus ille Sponsus momento di-
ſparet, nec poſtea, præter naturam
lenonum ſæpius redeuntium, un-
quam amplius ſuis cum nundinis
viſus eſt. Virgo eo caſu multò
doctior votum ſuum Eberspergæ
exſolvit, & ſervatæ pudicitia no-
bile trophæum conservatori Seba-
ſtiano ſtatuit.

An-

ab An. M. DC. LX. ad An. LXXXVII. 409

Anno M. DC. LXXX. Andreas Hamersperger nimio sanguine per nares effuso ad extrema deductus, cùm reliqua media fistendo fonti illi nihil opis adferrent, D. Sebastiano commendatus mox stare guttam jugiter manantem sensit, eóque Medico opitulante prope diem & succum pristinum, & vividum colorem recepit.

Sanguinatio.

Gaspar Lenger pedem habebat *ignis sacer.* igne facro, ut vocant, ustulatum. voto ad D. Sebastianum facto, incendium illud mox fopiri, & non multò pòst penitus extingui sensit.

Sagittæ D. Sebastiani nomine & sacri Cranij attactu consecratæ non ita pridem ab Illustrissimo quodam Magnate in Bohemiam ad sua Bona, quæ ibi possidet, missæ suam ex superata ibidem peste victoriam & laudem retulerunt, cultumque Divi propitij ibidem locorum non mediocriter propagarunt.

Pestis.

An.

410 Beneficia à D. Sebaſt. M. collata

*Angustia
pectoris.*

Anno M. DC. LXXXI. Joannes Mair Schönaugiensis à gravibus pectoris angustijs & oppressione anhelitus intercessione S. Sebaſtiani liberatus est.

*Lues peco-
rum.*

Ursula pauper Colona Frauen-Neuhardicensis viderat vitulum suum nescio quo malo tabidum, jam toto corpore & membris omnibus in mortem reporrectum. Comiseratione pecudis tacta vovit figuram ceream formæ minoris S. Sebaſtiano, quem medicum sciverrat non tantum hominum, sed etiam pecorum. Intervenit maritus, & vitulum jam ferè extinctum videns, stultum ac supervacaneum votum increpavit cum dictero. perstigit tamen uxor in fiducia, & ecce! proprio nisu & viribus paulò post vitulus, velut ex deliquio, in pedes assurgit, plenèque convalescit. Idem de vaccis suis in partu laborantibus testati sunt Georgius Kerschl, & Joannes Knalling, ambo Rustici.

Ca-

R II
J^a

Catharina quædam , virgo pau-
perrima , suâ tamen forte, ut puta-
bat, felix in altam cerasum (quæ
præcipitio ex parte declivi , stipite
suo imminebat, in vastam scrobem
propendens altitudine pedum tri-
ginta sex) eluctata fuerat , ut inde
cerasa legeret . Verùm cùm esset
in edito, subitò coorto valido ven-
to impulsa foliosa arbor feminam
suäpte naturâ & sexu timidam in
vertiginem egit, ut nullâ jam ra-
tione à lapsu se continere posset.
Subiit tamen, ut priusquam ex al-
to rueret , D. Sebastiano in brachia
se commendaret, quò leviùs saltem
caderet. Cecidit, sed ita feliciter,
quasi in substratas plumas nullo
corporis danno, imò vix sensu.

Februa.

Ursula Obermairin igneâ febri
torrebatur ; verùm ex hoc suo , ut
ita dicam , Inferno D. Sebastiano
se commendavit , & refrigerium
sensit; Neq; etiam parvulus, quem
inc laetabat, quicquam labis , aut
in-

412 Beneficia à D. Sebaſt. M. collata
incommodi ex corrupto haſtu
acepit.

Februa.

Barbara Pfanzeltin sexaginta ali-
quot annorum vidua Vilsbibur-
gensis diuturnâ tertianâ ad extre-
mum virum defectum redacta vix
offibus hærebat; nihilominus vo-
to ad D. Sebastianum edito tanq;
ætatis vetula adeò statim toto cor-
pore emendatam se sensit, ut stu-
pentibus omnibus absque fatiga-
tionis incommodo Vilsbiburgen-
sem supplicationem, quæ ex Op-
pido Eberspergam tunc ducta fuit,
comitari ipsamet, & quidem pe-
des, valuerit.

Tympanitu.

Wolfgangus Penzenauer hospes
Eberspergensis gravi tympanitide
diu exercitus ab uno Patrum no-
strorum verba salutis audijt, edito-
que ad D. Sebastianum voto multò
æquiùs valere cœpit, ut & ipse, &
vicini efficaciam sospitatoris mira-
rentur, ceu manifestam. Cùm
verò mutatâ mente ipse subinde

præ-

præoptaret & mallet ultrò mori, ut
pote dispositâ jam optimè consci-
entiâ, quam longius supervivere,
cœpit ad votum ipsius morbus re-
crudescere, ipse cum antiquis do-
loribus conflictari, & inter acerbif-
simos cruciatus viatrice cum pati-
entia emori, mirantibus universis,
quibus mens viri cognita erat, Cæ-
lites humanæ voluntatis explendæ
tam studiosos inveniri.

Gasparus Hartschmid Rettenba-
censis gravissimos in dextro femo-
re dolores perpetiebatur, multos-
que annos varios chirurgos fatiga-
bat, cùm hominem non haberet,
qui juvaret, ad Cælites conversus
D Sebastianum imploravit, & Me-
dicum expertus est.

Catharina Reitenfis vidua pro-
fessa est, se vitam jam abhinc ali-
quot annis S. Sebastiano in acce-
ptis referre: Etenim ab ebrio ma-
rito cum fumante crapula ex po-
pina redeunte stricto ferro appeti-
ta,

Pedis dolores

*Periculum
Confessionis.*

414 Beneficia à D. Sebast. M. collata
ta, D. Sebastiani, quem subito im-
ploraverat, patrocinio plus quam
triginta puncturas declinavit, cer-
tissimò confodienda, nisi tam dex-
terum pugilem habuisset adjuto-
rem.

Fascinum.

Iñæ Conjuges erant, ceterà ho-
nestissimi, qui ipso nuptiarum die,
fascino, ut videbatur, illigati mul-
tis annis sine mutuo affectu, sed
magno potius odio ac fastidio in-
ter se miserum, molestumque ma-
trimonium vixerant. Adhibitis
subinde sacris Reliquiis & voto ad
D. Sebastianum concepto exarst
maritalis amor, paulò post etiam
secuta proles, quā haetenus care-
bant.

Periculum
à domo,
& mato de-
sperationis.

Puella quædam ex propinquâ
Urbe oriunda, libertatis amantior,
scelerum desiderio ad hæreticos
transfugerat. Ibi in omnem licen-
tiam præceps sectario cuidam male
confuevit, cohabitavitque. A Boi-
cis autem retracta suis postliminiò
resti-

restituta est laribus, ne fidei periculum adiret, quæ plerūmque post pudicitiam mulierculis ejusmodi venalis est. At néque domi melior fuit: dum enim nescio cui scortatori ibidem adhæsit, sequentibus noctibus pedibus correpta, lecto extracta, & in pavimento extensa dirissimè multoties vapulavit, vultu ipso sæpe unguibus fœdum in modum exsculpto, ac lacerato. Hanc carnificinam pertæsa in pia meretricula in eam cogitationem venit, ut stricto cultro se ipsam ferret, & sceleratam vitam fatali ictu citò absolveret. Aliâ vice in præterfluentem se præcipitem abriucere penè se statuerat, ut scelerum pondus mergeret, semper tamen occultâ quadam vi à nefario proposito repulsa est. Non multò post magis curiositatis, quam religionis causâ Eberspergam delata, loci sanctitate adeò potenter & salubriter in animo suo iecta est, ut mox se D. Sebastiano intimè commehdaverit,

Dd

ac

416 *Beneficia à D. Sebast. M. collata*
acde peccatis antè perpetratis ma-
gno horrore concepto ope Sancti
meliorē mentem se recepisse ipsa-
met professa sit.

Wolfgangus Schmid Buechenſis
furiosus effectus tribus integris an-
nis, belluæ instar rabidæ, catenis
vinciri debuit, ne in obvios quos-
que irrumperet. Divo Sebastiano
à suis devotus plenè sibi restitutus
triennio toto in pace, & malacia
supervixit, demum tertianā con-
sumptus, sacris omnibus rite mu-
nitus, & ad ultimum sibi semper
præsens tranquillissimè obiit.

Celebre admodūm naufragium
est, quod ad Grainburgum Wal-
serburgenses incurrerunt. Ibat na-
vis multis sanè capitibus onusta,
quæ pios peregrinos Oettingam
peregrinatum secundo Oeno de-
vehiceret. Sed citius aliqui horum
ad portum Æternitatis, quam Oet-
tingam appulerunt, ultra triginta
quantum constat, de numero illo
mersis. In hoc articulo unus Civis

vi.

Maniacus.

Naufragium

ab An. M. DC. LX. ad An. LXXXVII. 417

vitam suam, alius vero uxoris suæ D. Sebastiano se debere affirmavit: nam cum illa natandi imperita longam jam sub undis moram traxisset, & satis supérque bibisset, voto edito S. Sebastiano à marito commendata caput rursus extulit, & emerxit. Alia in eodem naufragio undis diu raptata voto ad S. Sebastianum facto natantem Christi Crucifixi ligneam majoris formæ imaginem, quæ & ipsa de navi exciderat, conspicata, disponente Deo, eam iconem, cœu missam in naufragio tabulam apprehendit, & in hoc salutis Labaro, ac victrice scapha feliciter enatavit. Liberati appensâ tabulâ acceptum à D. Sebastiano beneficium testati sunt.

Anno M. DC. LXXXII. Joannes Obermair tabellio Frisingensis gravi Apostemate intra collum enato laboravit, futurumque erat, utrupto ulcere introrsum præsertim effluente suffocaretur, nisi D. Sebastiani fideli ope fuisset servatus: voto

Dd 2 quipæ

Apostemate

418 Beneficia à D. Sebast. M. collata
quippe ad eum concepto purulenta
spongia aliâ se viâ aperuit, & ne-
glecto periculoſo colli itinere fut-
sum per os effluxit, secūs, quām
medici ex artis scito divinaverant.

Hoc ipso Anno gravis & vulgata
lues totâ Bavariâ inter pecora ma-
gnâ sanè strage grassabatur. Vo-
lantern cancrum morbum illum
vulgò appellabant. In lingua ani-
malium sedebat malum enatis ibi
pustulis tam atroci & præſente ve-
neno prægnantibus, ut, si tempori
remedia non adhiberentur, viginti
quatuor horarum ſpatio robustiſſi-
mi etiam boves conciderent. In
hoc rerum ſtu multi ſua pecora
D. Sebatiāno impensè commen-
dārunt, & ab interitu ſervârunt.
Ipſe Serenissimus & Reverendissi-
mus Albertus Sigismundus Bavariæ
Dux, Epifcopus Frisingensis & Ra-
tisbonensis post aliquam armenti
ſui jacturam magnam aquæ bene-
dictæ copiam per ſacrum D. Seba-
tiani Cranium transfundi voluit,
quam

Lues pecor.
ſpatio.

R II

10

ab An. M. DC. LX. ad An. LXXXVII. 419

quam deinde reliquo potu mixtam
in stabulis suis adhiberi jussit, me-
dioq; hoc perquām proficuo luem
a pecore suo in tempore repulit.
quo ipso in negotio alij quoque,
quos brevitatis causā omitto, D.
Sebastiani ope gloriati sunt.

Anno M. DG. LXXXIII. Joāes
Keckmiller bono, ut sibi videbatur,
jure Molendinum Serrarium con-
cinnaverat, átque extruxerat. Inde,
ut sit lites vicinorum enatæ sunt
propter Meum & Tuum, frigidum
illud verbum. Non amabat vir pa-
cis studiosus tantulo impendio rixas
in longum ituras & odium homi-
num. malebat lucello qualicunque
earere; quām quiete. Ergo D. Seba-
stiano, ceu arbitro Saerum vovet.
& positā controversiā pax rediit.

Pater quidam Societatis nostræ
aliunde Eberspergam missus, im-
portuno sanè tempore podagricis
doloribus infestari cœpit. Vovit
cum bona Superiorum venia D. Se-
bastiano Podagræ domitori jejuni-

Dd 3 um

odium victorium.

420 Beneficia à D. Sebāst. M. collata
um in pervigilio Sancti observan-
dum, & dolores omnes, velut ac-
cepto imperio, abscesserunt.

Amentia.

R II

J II

Pes fractus.

Maria Krain Villica Aitershof-
fensis non procul Straubingâ post
tactam fulmine & exustam villam
suam, post defunctum maritum, ex
terroribus & ærumnis identidem
recurrentibus de statu mentis de-
jecta multo tempore amens fuit.
Accessit hydrops medici opinione
fatalis, è quo tamen emersit, uti
& è ceteris concatenatis miserijs,
posteaquam votum D. Sebastiano
nuncupavit. Tabula prodigijs te-
stis Straubingâ Eberspergam missa
ibidem inter signa pendet.

Nobilis & Clarissimus D. Fran-
ciscus Ignatius Schön Jurium Do-
ctor, Electoralis Concilij Aulicij
Advocatus & Toparchiæ Ebersper-
gensis Prætor in itinere suo nego-
tiorum causâ per Sueviam suscep-
to ex equo jam in casum prono deli-
liens pedem fregerat. post cuius
curationem haud admodum feli-
cem

ab An. M. DC. LX. ad An. LXXXVII. 421

cem S. Sebastiani Cranium Eber-
spergæ piè veneratus , post fusas
preces , quibus se meliori Chirurgo
commendaverat, illicò quoq; me-
liores vires sensit , ut jam sine ad-
miniculo, quod huc usque non po-
terat, liber ingredi posset, & extu-
berans ossis extantis particula in
proprium locum recipere se se fue-
rit deprehensa , nullo deinceps
claudicationis vitio , aut incessus
difficultate reliquâ. Testem acce-
pti beneficij argenteum pedem
postmodùm Patrono suo suspendit.

Anno M. DC. LXXXIV. Geor-
gius Ringer Neohusanus sacrum
eucharisticum Eberspergæ fieri cu-
ravit, quod filium ex sævissima pe-
ste & ipsa memorabili obsidione
Viennensi , velut ex Sepulcro ope
S. Sebastiani salvum & incolumem
recepérunt gladio & morti supersti-
tem.

Georgius Paur Härtmaringensis
ante triennium S. Sebastiano vove-
rat tantum cerei filii, quantum am-

Reffū.

Voti dilatî
pana.

Dd 4 bitus

422 *Beneficia à D. Sebast. M. collata*
bitus ædium suo cingulo & coronâ
caperet. Causa vovendi erat duo-
rum equorum interitus, & reliquo-
rum periculum. quia verò votum
suum hoc usque exequi neglexe-
rat, rerum omnium supinè per-
tæsus æger animo; & mentis per-
urbationibus, ceu quibusdam ma-
nibus exagitatus, nec non capitâ
insecutâ vertigine, reliquorum ma-
lorum colophone, vix non in ma-
niam & desperationem agebatur.
Sensit, nescio quo monitore, dilati
voti acerbum fructum. Voto
proin executioni mandato, mitiga-
tam mox notavit maiorum suorum
conjunctionem; meliora redière
sidera, spes & quies.

*Periculum
ab efferratis
equis.*

Anna Brandmairin Civis Mos-
burgensis, cùm An.M.DC.LXXV.
negotij causâ in volante apertili
rheda cum una alteraque itineris
comite in viam se dedisset, equi
verò ut fit, ex objecto trunco,
turbatâ phantasiâ cohorruiſſent,
ipſi deſeritâ orbitâ exleges ruptis

16-

repagulis in vicinum stagnum pleno impetu delati sunt. Certum periculum ante oculos obversabatur, quod tamen voto providè facto, feliciter evitatum est, cursu ferocium animalium properè inhibito. Tabula rei gestæ postmodùm hoc Anno M. DC. LXXXIV. appensa est, quo etiam historiam ponere hoc loco placuit.

Hoc ipso Anno D. Christophorus Wegerle voluntarius tribunus in Legione Montfortiana Bibercensis ortu, Suevus D. Sebastiano, quantum in ipso fuit, se gratum stitit. Operæ pretium est, rei seriem, prout gesta est, hīc apponere. Erat is Anno M. DC. LXXXIV. in obsidione Budensi IV. Octobris Sagittâ Turcicâ, & insuper glande plumbeâ graviter vulneratus. Decubuit nullâ spe vitæ reliquâ: voto verò ad D. Sebastianum edito omnino convaluit missâ Eberspergam hostili sagittâ, quæ tamen incuria illius, cui tradita & commissa

*Gravis vulnus à Sagitta
ta Turcica.*

Dd **s** fuit,

424 Beneficia à D. Sebast. M. collata
fuit, vel perdita, vel neglecta, certè
hīc loci extradita non est, alias certè
locum habitura inter præcipuas
manubias, & agnatas Divi Marti-
ris Sagittas.

Febris,

Ampfingæ, loco hinc quinque
milliaribus disto familia quædam
multorum capitum ope D. Seba-
stiani ardente febri in tempore li-
berata est.

Anno M. DC. LXXXVI. Mi-
chaël Schnabl Hechenlindenſis
grassante passim dysenteriâ, quæ
multos hinc inde stravit, & extulit,
& ipse & uxor illius correpti sunt.
facto autem ad D. Sebastianum vo-
to, quod uterque Eberspergæ con-
scientiam in sacro tribunali ponere
& divinæ accumbere mensæ vel-
lent, ambo vitam servârunt.

Hoc ipso Anno rusticana Ancilla
Anna appellata gravi dolore capi-
tis & pedissequâ mali illius maniâ
certis temporibus effictim labora-
bat. Ubi verò ægra hortatu Con-
fessarij ad Divi Indigetis opem con-
fugit,

ab An. M.DC.LX. ad An. LXXXVII. 425

fūgit, & duos Cereos Divo sub
Missa arsuros promisit, sensit inte-
grè se restituam.

Añ.º Christi M. DC. LXXXVII. Supplicatio.
Urbi Monas-
censis.
Eberspergens Ecclesiæ fuit cum-
primis memorabilis ob acceptum
a Monacensibus singularem ho-
norem, qui sub geminis Confrat-
ternitatibus sanctæ Crucis Forster-
riedensis, & quæ sub Titulo S. Se-
bastiani Monachij erecta est, con-
gregati ipso pervigilio S. Mariæ
Magdalenz Eberspergam excurre-
runt ductâ frequentissimâ suppli-
catione quatuor millium capitum,
singulari modestiâ, ac Religione.
Erant in comitatu utriusque agmi-
nis non plebs tantum promiscua,
sed prima etiam Aulæ Capita & or-
namenta, Proceres intimi, Comi-
tes & Barones, Urbis præterea Con-
sules & Senatores. Finis tam nu-
merosæ Supplicationis erat pietate
præcipius, publico bono intentus,
ut militi nostro prælia Domini in
Hungaria prælanti præclaræ ad-
versus.

426 Beneficia à D. Sebaſt. M. collata
versus Turcas Victoriæ junctis pre-
cibus à Domino Exercituum impe-
trarentur. id, quod postea felix
eventus ostendit, Turcā ad Moha-
zium luculenter cæso. quæ victoria
toti Ecclesiaz postmodum tam fuit
læta & gloria, hosti verò adeo
deplorata.

Porrò nec hoc Anno beneficia
D. Sebastiani è Cœlo præstita de-
sunt, quæ tabulis consignari cura-
runt ij, qui acceperunt, præsertim
qui ab ardentibus febribus ope D.
Sebastiani liberati sunt,

Dysenteria
cum impe-
rito voto.

Alius quidam de agro pluribus
leuis hinc distans, cum dysenteriâ
laboraret, famâ D. Sebastiani mo-
tus, eundem Sanctum simplici &
imperito voto in auxilium advoca-
vit, pollicitus, tot se crucigeros
Divo oblaturum, quot nimurum
vulnificas sagittas in corpore suo
olim Sebastianus ad palum exce-
pisset. Cum verò vir bonus mox
sibi restitutus postmodum nesciret,
quot re ipsâ spiculis Martyr fuisset

con-

confixus, voti sui interpretem quæ-
sivit hinc inde, nec tamen conti-
nuò invénit, qui de certo sagitta-
rum numero certi quicquam asse-
reret. Eberspergam cum scrupulo
suo profectus determinatum item
spiculorum numerum sollicitè in-
dagare cupiens, si quid certi ex loci
historia fortè constaret, nummos
bene multos argenteos in parato
habuit, quibus votum & nomen
suum Divo obzratum liberaret.
At ubi à Patre quodam intellexit,
D. Sebastianum paucis contentum
in re incerta quæstum non amare,
nec carō beneficia sua, præsertim
pauperibus, venialia proponere,
acquievit consilio monentis, & ra-
tionabili obsequio sospitatori suo
satisfecit.

Atque hisce Tractatum hunc
claudimus, sat bene, si tibi, *Amice*
Lector, placuerit: aliud enim operæ
nostræ seu pretium, seu præmium
non quærimus, quàm Dei Ter.
Opt,

428 Beneficia à D. Sebast. M. collata &c.
Opt. Max. gloriam , tum honoris
S. Sebastiani propagationem , &
animorum lucrum. Hoc fine scri-
psimus , hoc item calamum poni-
mus & absoluto brevi , ac pio
Opusculo conquiesci-
mus.

Omnia ad majorem DEI
gloriam,



SYL.